

Bergm. Bibl.  
theol. Schr. in 4<sup>o</sup> № 13.

Bibl. Bergm.

№ 382.

Inhalt:

- 1) Bericht warhaftige der wunderlichen handlinge der Dopers to Münster. s. l. et al. (1535)
- 2) Anzeigung, eine glaubwürdige des Todes Barn Thomae Mori. - 1536.
- 3) Anzeigung warhaftige der grausamen erschrecklichen Er- gissung des Teufel zu Rom & des Moes zu Selandt in Flandern. 1530.
- 4) Prophezeiung eines einer Bericht zu Neapel in einer Be- völkerungsmöcht Grinde in einem blässernen Caysel. 1697.
- 5) Continuatio X der historischen Relation.
- 6) Samuelis v. Israel Rabbi. vß Jesu Nazareus und so anpro Martin bei Wittenberg. 1536.
- 7) Anzaig in Bericht der Stadt Nürnberg verordneten und gesetzten Doctoren der Artzney, die Grundberat- jetz anlangen. 1572. Nürnberg.
- 8) Regiment ein Kurz, wie man sich in Zeit regierender Pe- nitenz halten soll. Nürnberg 1574.
- 9) Pasquillus ein humorist. des allworts von Rom Comit. 1537.
- 10) Grunderzthal der Jesuiter s. i. eine warhaftige neue Zeitung des Jipor. Barriß, wie der Jesuit Robert Bellarmius etc... wie die Feuersee eine Comit die zu Moltyheim agiert. Basel 1615.

11) Rudolf v. Duisburgh Legation oder Aufführung der  
Ges. in Parnassum. Spz. 1642.

—

L.B.n 212.

Warastich Bericht/der  
wunderlichen handelinge/der Döpers co  
Münster yn Westfalen/wo sick alle saken/ In vnd na eröveringe  
der Stadt begiven hebben. Ock wo alle handelynge eyn  
ende genamen hefft ic.

Johan van Leyden / Koning tho nyent  
Jerusalem/vnd der gantzen Werlde. Synes olders/  
ym söuen vnd twyntigsten Rare.



Welde. Vth dem stole wert he vorstoten.

16872.861

**I**st synt beth herto vēl vnd men-  
nigerleye Missiouen vnd schryffte  
van der wunderbarlichen handelinge  
der Dopers tho Münster yn West-  
falen/vthgegān vnd gedrücket wor-  
den/van velen groten Störmen vñ  
Schermützeln/de sick tho beyden  
parten buten vnd binnen der Stadt  
vorlopen hebbēn/vp dat der vēluol  
dygen handlinge na/dem lēser vñ  
uordreelick/sowert hyrna ein klär  
bericht der handelinge/vp dat alder  
kōrtste angetekent/ōuerst nu in sun-  
derheyt/wat sick na erōueringe der  
Stadt togedragen/ock vñ alle  
handelinge/ēren ende ge-  
men hebbēn TC.

**S**ta wōwōl nu aldermennich.  
dat de Dopers tho Münster vñ v-  
Kōning vnder sick. pen/wilck  
eyn Snyder etc. Den hebbēn se getro-  
vnd seer kostlyken Cronen/vnd en tho  
schin heren vnd Kōning/der gar

TRÜ Raamatukogu

angenamen/ock em vñ allen dyngen vrider danig/willich vnd  
gehorsam gewest/mit auergēunge all ērer hane vñ güder etc.  
Vnd also se samtlick eyn vngehört/wunderbarlick Regiment  
eyn tydtlanck angerichtet/ock de Stad Münster also bewesiy-  
get/dat me en mit scheten edder mit störmē/nenen assbrock  
hefft mögen dhon/darwōt sick mennich Förste vnd heer vors-  
sōcht hefft.

Do nu ōuerst dat volck vor der Stadt/daglick groten  
schaden van en entfēck/dat Vōrsien vnd heren mercken/  
dat me en vñ nemē wēge assbrock dhon möchte/anders den  
vthungern/do wart de Bisshp van Münster sampt andern  
Försten vñ heren rede/vñ leden vñ Blockhäuser vor de Stade  
de sūlen vār vnd dag mit Knachten wol besetzt/vorwarden  
en alle straten/vnd leten en noch Vytallye edder ander waer  
couorn/dat nemadt vth der Stadt/edder vñ de Stadt en tho  
hülpe möchte kamen/alse menigem apenbār ys.

Alse se nu ōuerst yn der Stadt/van nemande hülpe ed-  
der tōoer van vittallye effte ander nodtrufft hadden/vnd ey-  
ne grote spise van der groten mennichuoldicheit des volckes/  
dachlick mit en vpginck/vnd sick de tydt van dage tho dage/  
so lange vorlopen/beth dat/dat gemene volck alle spysē/  
mit ēhtende vnde drinckende vortērt hadde vnd nene minsly-  
ke spise yn dergantzen Stadt meer vorhanden was/men alle  
ne ys des Kōninges Sael edder Pallās.

In hadden se ōurst bynnen der Stadt/alle platzē vp  
den Wallen vnde allenthaluen by der muren hēr/dat meestē  
deel mit Erweten vnd Kōuen beseyet/darmit sick dat gemē  
ne volck ock eyn tydtlanck entheldt/beth so lange/dat se dat  
stro van den Erweten/vnd dat kruid van den Kōuen/all ges-  
gēten vñ vortērt hadden/ock aliēr Zeedat yn der Stad was/  
was vortērt/vp dre Perdena/vnd nene mineschlike spysē mer  
yn der Stadt vorhanden was/De Perdehüde vñ Ossenhüde/  
nemen se ock vnd sneden se kleen/vnd sōden se yn water/dat  
se weesk

se wrec warden / vñ ethen daruān / vñme entholdinge ēres le-  
uendes / beth so lange / dat en alle dage Vittallye tho qwēne  
bōch ēre ūericheit Kniperdöllinge / vñ andern vortrōſſet wör-  
den / do ūerst neen stro / noch hūde / edder anders wes / gār  
ničts meer vorhanden was / ock neen ander troſſt / vnder dem  
gemenen volke meer was / alſe van hungerstōgen steruen / bes-  
gerden se vth der Stad / do leet me allenthaluen yn der Stadt  
vmmeslān / wol vth der Stadt begérde / vnde nicht darynne  
blyuen wolde / de scholde ſick dem Rōninge anteken / so wols  
de he em eyn teken gēuen vnd beſchaffen / dat he vthgelaten  
wörde / also balde vorsammelden ſick eyne grote ſchār van  
Fruwen / Jungen / Mēgeden vnd Kindern / de ſick dem Rō-  
ninge ertōgeden / vnd vth der Stadt begérden / do leeth he ſe  
alle plündern vnd beſöken / vnde leeth nemande nicht meer /  
alſe eynen rock / vñ ſprack tho en / nu teet hen tho den Kettens.

Alſe ſe vor der Porten / tho der Stadt vthgelaten  
warden / qwemē ſe twyſſchen dem Walle vnd der Schan-  
zen vp eynen wyden plān / dar mōſten ſe blyuen / wente de vp-  
den Blockhūſern weren / de leten nemande doſch de Schanze  
kamen / mōſten dar loeff vnd gras ēten / so lange / dat me ſe  
henwech vth dem Lande bryngen leeth / vnd warden ērer vle  
bodt gefunden / de hügers wīgen geſtoruen waren / wat ūerſt  
vor knechte / edder Manspersonen rth der Stadt gekamen  
waren / de wōrdēn alle erſlagen vnd erſteken / vnde vñme de  
Stadt hēr / vp de rade gelecht / wente de hage vñme der Schan-  
zen / was alſo befestiget / dat ydt nicht wol möglick was / ey-  
nem minſchen dar doſch tho kameude.

Item Lij. Knechte / de tho Münſter yn der beſoldinge  
gelegen hadde / dewyle de hurger dar groth vnd nene vittallye  
mer vorhanden was / wōrdē ſe ock rede / vñ tōgen mit gemenē  
rade tor Stadt vth / ſtrac tho S. Mauritius leger tho / vnd  
begérden vor den Bisschop / ſülfest tho kamen / vnd alſe ſe ēr  
begēt / den knechten / welcketere vp den Blockhūſern vnd yn der  
Schanz

Schanzen waren / vorhelden / ock an ſe begērden / dat ſe / ſe  
mōchten auer den Hagen der Schanzen helpen / do hebbē ſe  
en de Hellebarden togereket / vnd ſe alſo auer de Schanzen ge-  
tagen / alſe ſe tho en geſecht hadde / ſe wolden ſe thom hē-  
Rēt helpen.

Do ſe / ſe mi auer den Hagen / yn ēre Schanzen gebracht  
hadden / do waren de ſülfen Münſterschen Knechte / alle ſchön  
vnd wol getlēdet / mit eynen Syden vnd Sampfen vopen / ock  
etlyke van guldēn ſtückē / de ſe van den Miffgewanden vnd  
Ceremonien der Kercken getüget haddeſt ice. Vnd alſe  
ſe de knechte all yn der Schanzen haddeſt / do was dar nein  
ander geschrey / men thū dy flur vth / vnd wōrdēn voert thor  
ſtundt alle bodt geſlagen / do hefft ſick ūerſt eyn knecht van  
den ſülfen knechten vorechtet / deleep verne hinderna / alſe he  
ſchyr tho dem hagen der Schanzen gekamen was / do hōrde  
he wo de knechte mit ſynen geſellen to wercke gingē / nicht to  
min / ſleep he ock an den hagen / de ſülfue knecht droch einen hal-  
ben haken / mit eynem vürſlate / vnde alſe he tho dem hagen  
qwam / boet em ock eyn knecht de ſelbarde / vnd wolde ēn ock  
auer den hagen theen / do boerh he em den haken / vnd ſchoet  
den ſülfen knecht / dat he yn de Schanze tummelde / vnde ſleep  
wedder tho rügge yn de Stadt.

Do was ūerſt de Rōnink yn ſynem ſäl / ſampt ſynen  
Hertogen / de he nyelick gekaren hadde / ock ſynen Drauantens  
dubbeldeſ ſoldēnē / vnde velen andern / de daglich van des  
Kōninges haue geſpyſet warden / mit aller vittallye auer die  
Manc lanck nene ſpyſe gehat haddeſt / de radtſlageden / vnd  
practiſerden vndereynander / wo ſe vittallye vnd hülpe mōch-  
ten towēge bringē / do was dar eyner manckē / mit namen /  
Henschen van der Langenſtrate / eyn Wachtmeſter vñ benelſ-  
man / op welkeren de Rōnink gantz groten louen ſielde / weſ-  
ter vormaels by dem Bisschoppe eyn Schanzemester gewest  
was / vnd van ſynen S. G. tho den Dōpers yn de Stadt ge-  
lopen /

lopen/vnd de sülue Henschen/was gantz seer geschicket/mit behenden reden/welcker vormat sick/vor dem Koningen/vnd allen Beuelsliden/so vern he benel van dem Koningen hedde/dat he wolde vittally vnde dre hundert guder knechte/yn vers teyn dagen/yn de Stadt leuern.

Do mi de Koning sampt allen Beuelsliden wol tho frēde weren vnd bestemmeden em eynen dag/wenner sulkes gescheen scholde/alse vounēlick vp S. Johannes nacht etc. Darup he van dem Koningen affgefērdiget/vn wo auerst gennante Henschen van der Langenstrate/eyn Wachtmeyster yn der Stadt was/vn vp der anderen syden vor der Stadt eyn Schantzmeyster gewest/welckerem alle gelegenheit buten vn bynnen der Stadt nol kündich was/ock by dage vn nachte dat Rundeel/Boltwerk/Posteyen/mit allem flyte vn fordele affgesen hadde/ock wort de Watergrauen/Welle vnde Veste vmmie der Stadt/swack edder vasi/weyeth edder enge weren/Vnde also balde he thor Stadt vthgelaten wārt/wisthe thor sunt den rechten wegh vnd voert dorch den hagen/auer de Schantze der wedderpartye/derch welckeren/he sick mit gewaldt drengen möste/vnd quam also veer myle wegēs van Münster/yn eyn Stedeken/Hamme genomēt/dem hertegen van Cleve to gehörich/Also balde heffst he eynen beschickē laten/mit namen/Meynert van Hamme/de was dar wāns haffrich vnd eyn ouersie yn Frieslandt gewest/dem heelt he vor/he wist dat he yn rīgnade/des Bisshoppes van Münster syner S. G. stunde/van wegen/dat he van den frenen Lantznechten yn de Stadt genallen/vnd truwede/he de sae be darhen tobryngende/wen em de heer/fry/sicker geleyde tosēde/so wolde he syner S. G. eyne sake tho erkennende gesuen/darymne Lande vnd lide gelegen reer/so balde Meynert van Hamme sulke bodeshop vornamen heft/do heft he nicht lange gesumet/vnd de sake dē Bisshoppe vorgebracht/do heft em de Bisshop sicker geleyde togeseght/vnde en vp eynen bequemen ordt vnd platz bescheden/darhen syner S. G. kamē

Kamē wolde. Also hefft he de Bisshop/sampt syner S. G. Kēde Kort beraden/synt to genanten Henschen van der Langstrate/vp den bestemmeden Platz/darhen syner S. G. en bescheden hadde tho kamende/vnd de sake begēt tho hörende/Do hefft he dem Bisshoppe vnd syner S. G. Kēde vōrgesholden/he wolde syner S. G. eyne sake tho erkennende geben/so de sake eynen voertgancē wōrde hebben/so dōrftē he syn leuenlandt/vnder nenen hupen Lantznechte mehr kamen/wolde mi syner S. G. en syn leuenlandt vnderholden/edder em so vēle gēuen/darwan he sick syn leuenlandt erholden möchte/so wolde he syner S. G. vp S. Johannes nacht tho teyn nōgen de Stadt openen/vn syner S. G. drōges fotes auerēuern Dar auer hefft de Bisshop mit syner S. G. Kēde vn eddelliden/sampt allen Beuelsliden eynen Korten radt geholden/vn synt der sake eyns geworden/so vern de sake eynen voerts gancē nemē/so wolde de Ouerste sampt allen beuelsliden vnd Eddelliden thom ersten dar auer syn/dat de Bisshop vp allen Blockhusen gemeen heelde/vnde de sake dem gemenen manne ock vōrheelde/vnd tho erkennende gene/wo se darto gesumet waren/vp eine bestemmede stunde wōrde me de Stadt openen/wen se yd mit em wagen wolden/so wolde he en to seggen/dat de Ouerste mit dem Adel/sampt allen hōuetliden vñ Beuelsliden/de vōrnsten daranne scholden syn/des was de gemene man ock wol to frēde/vn schryeden alle ya/ya/wy/hebben lange noech ym stro gelegen/willen ock eyn māl vnden bedden slapen/Darnegest hefft de Bisshop dem Kundschopper na synem begēr vornōger/vn to frēden gestellet/ēren assicheert mit eynander gemaket vn beslaten/dat se vp vōrgennante stunde vor de Crützeporte theen scholden/so wolde he en eynteken gēuen/wen se dat teken also besünden/denne scholden alle saken Elēr son/so scholden se voerth theen etc. Darup toech de Kundschopper wedder yn de Stadt/vnde ma Kēde dem Koningen wēß/he hedde alle sake bestellet/vp de stuns de wōrde

he wörde Vittallye vñ bree hundert knechte kamen / do was  
de Koning sampt allen dubbelden Szoldeners fro vñ frölich,  
mit em / vñ makeden sich mit eynander gudt tzyer.

Do öuerst de anslach veerteyn dageläck vor S. Johannes da-  
gegeschach/hebben se mydler tyot alle stygtlich/mit ledfern  
vnd aller nothtrusst togerüstet / vñ synt vp bestemmide tydt  
vor de Porten getagen/do hefft de vpgemelte Kunschopper  
en teken gegēnen/dat alle dinge klär weren/do synt se voert  
getagen ic. Dar was öuerst de Rundschopper des auendes  
tho den Wechtern gegān/de vp dem Torme des Rundeels de  
sünlige nacht wakeden / vnd en alse he er Wachtmeister was  
vōrgehalden/dar wörde des auendes volck vnd vittally yn de  
Stadt kamen / se scholden slapen/ vñ gunderdinge syn/ vnd  
sick des Volckes nicht annēmen/ alse se ock deden/ vñ alse de  
hupe dicke vñ vast na drückede/qwēmen se an den grauen/ tho  
eyner kleinen Porten/ de was apen/dar mösten se auer den gra-  
uen/de was vimme de gantze Stadt an ienem orde so smal/  
alse an dem eynen orde/alse en de Kunschopper angetekent had-  
de / dar wōrpēn se ère Ledder an den grauen / vñ makeden  
eyne brügge tho der Muren/do nu etlyke auer den grauen ges-  
kamen weren / tōgen se an der Muren hēr / wente tho dem  
Thorne des Rundeels / de Crützepōrtē genōmet / dat slogen  
se ère stychleddern an/welcker manslanc tho hort waren/dat  
se dar nicht konden beschaffen / do rückeden se mit den Leds-  
dern an der muren hen/wente tho dem Bolwercke des Dweng-  
ers/dar slogen se ère Lederen wedder an / vnde hūlpēn sick  
malckander vp dat Bolwerck des Rundeels edder Dwengers/  
vnd alse se dat Bolwerck erlangeden/tōgen se noch etlyke mit  
den Hellebārdēn vp dat Bolwerck / so lange / dat se xx.  
man starck wōrden.

Do gyngen se dōrch de Schildtwacht des Dwengers/  
dar alle nacht twe vp der schiltwacht waken mössien/ vñ viij.  
man vp dem tornie des Rundeels/dar de Kunschopper vor by  
gewest

Gewest/ de erste Wechter do en beyegenbe / beim frageden se  
flur/wat de Lose weer/de sedē en de Lose vnd sprack/ Erde/  
also balde was dar eyner mit eynem slachswerde / vnd hou-  
wede ène yn twe stücke/do was öuerst de füllue nacht/ Erde de  
Lose van den yn der Stadt/ vñ de Lose vor der Stadt was  
Maria de moder Gades / vñ hadden tho eynem Veldteken/  
eynen strōwisch vmmē den arm ic. Do stōtte de ander schil-  
wechter ock vp se / vnde fragede wat de Lose weer/do sedēn  
se en ock Erde/ darmit was he tho frēde/do gingēn twe ed-  
der dree vor en hen/do stecken en de andern ock flur tho dode/  
Darna gyngen se also balde tho den andern Wechtern/ vp den  
thorn des Rundeels/ vñ frageden se ock na der Lose/de sedēn  
en ock/ Erde weer de Lose/do se der Lose gewyssē waren/do  
stecken se de ock flur tho dode / do hadden se dat Rundeel des  
Dwengers ynce/sampt den Porten/Pasteyn vñ Bolwercken/  
dat se van nemande nicht wol vorhindert/edder gehōrt möch-  
ten werden / do gyngen se wedder tho rügge des Dwengers  
na dem Bolwercke / dar se de ledfern angelēnt hadden/ wels-  
ter ledfern Manslanc tokort waren/do bōden se den andern  
de Hellbarden/vñ tōgen sick also vndereynander vp dat Bol-  
werck/ vñ vordan auer de muren / so lange dat se by drüdde  
halff hundert starck wōrden/do drängen de buten der Muren  
waren/so starcke na/ dat en de Brügge auer den graven brack/  
Do nu de vp dem Rundele dat segen / dat se drüdde halff  
hundert starck waren/do tōgen se flur voert / yn der stylle/ vñ  
schryeden alle /her na/her na/leuen bröder herna/ vñ mende  
dat de buten der muren waren/ène ock volgeden/do se nu tho  
dem negesten thorn der Stadtmuren qwēmen/vnd fünden de  
Poerten apenstān / do tōgen se strax voert/wente mydden vp  
dat market/do was ydt schyer vmmē de dagertydt/do gingēn  
ringes vmmēhēr alle Trummen an / vnd leten also balde so-  
wen fīnlyn flegen/schryeden alle/ allarm/allarm/do wōrden  
de Bōrger vnd Kōninc ersten gewār / dat de Vyende voro

B

Hans

vorhanden / vnde yn der Stadt weren / Balde hebben se sich  
oek vo:sammelt / vñ slögen de Oyende mit geweldiger handt  
auer dat Marchet wedder torügge / beth tho der Porten / dar  
se yngelämen waren / dar twyschen hefft ouerst eyn Börger  
de Porten togeslaten / dat se nicht wedder henvh möchten /  
Do reep en de Koenink tho / Gy leuen Landzknachte / legget  
yuwe wér van yuw / vñ teth thor Porten wedder vth / yuw en  
schal neen ledt schén / Alsobalde lepen de Börger vp den Wal  
vñ schryeden auer den Wal tho den Knechten / se scholden ère  
Fénlyn vñ ère Ouersten wedderhalen / des sick alles des Bis-  
choppes Volck nicht erren leth / vñ slögen de Porten mit has-  
mern vnd Eren entwéy / Vand so balde se de Porten geöpent  
hadden / yleden se flux na dem Rundele / vñ steken ère Fénlyn  
auer den Thorn / yégen den Blockhüsfern henvh / Vand also de  
vor der Stadt / van wégen des groten schetens / so se malef  
ander yn der Stadt vullengebracht hadde / münden dat ehre  
medebröders weren alle erslagen vñ dode / Derhaluen / also en  
de Brügge auer den Grauen cobraken was / synt se wedder vñ  
de Blockhäuser / yn èr vorderl genallen. Do se ouerst dat Fén-  
lyn op der Muren sezen / dardorch se vor merceden / dat ehre  
medebröders noch ym leuende waren / vñ en alle Porten schö-  
ne geöpent / do qwenē se en mit gewalt to hülpe / yn de Stad  
vñ slögen vñ steken den Koenink / mit allen Wedderdöperis  
wedderümme auer dat Marchet / döich ère Wagenborg beth  
vp den Doemhoff / Dar stelden se sick wedder thor rehr / do  
wördien se van dem Domhoue mit aller macht gedwenget /  
beth vp S. Michels Capellen / darvan deden se groten mech-  
tigen schaden / mit schetende / dat des Bischoffes Volck  
gantz fer beschädiget wär / vnd vor dem geschütte hy / der  
den Doem entwéck / Also legen se vp vörigemelter Capellen /  
beth vmmie de teynden stunde vp den dach / dar twysche wär  
de Koenink gevangen / de wedderümme tho rügge geretken  
was / vp S. Ilien Porten / welcker de vastesse Porte vor der  
Stadt was / Darna begérden se vor den Ouersten / vñ spra-

ke mit

Le mit em tho holden / dat en vorgant wär vñ togelaten / do  
wär dar van besden partyen so vel gehandelt / dat eyn ytlck  
Börger scholde wedder yn syn hoes gaen / beth vp des Bis-  
choppes syner F. G. tokumpst / ères gnädigen heren / alsden  
scholde wider yn den saken gehandelt werden / darvp wär en  
geloue togescht / do toch eyn ytlck wedder yn syn hoes.

Also nu ouerst de Landzknachte / de vnder dem Bische  
oppe gelegen hadden / groten mercklichen schaden geleden / vñ  
vornemen / dat der nämhaftigsten Eddelkude vñ Dubbelts-  
söldener / by anderhalff hundert tho dode werengelämen /  
do vellen se mit grynnigem tome yn de Hüsse / vnd wor se  
versülen aurgebluen Börger welche vünden / de reten se by  
den köppen vth den Hüsern / vp de straten / vñ houreden se to  
stück en .

Korts darna / wär vmmegeslagen / dat me nemande  
mér dode slan scholde wo vorhen / so eyner dar embauen dede /  
den scholde me vor den Ouersten bryngen / vnd welcker also  
vor den Ouersten gebracht / dem sülinigen scholde me dat hös-  
uet aff slaen laten / Darna vp den Veerden dag / leth de Bis-  
chop vmmeslaen / dat alle de Frouwen yunc vñ oldt / schol-  
den vp den Domhoff kamen / dat geschach / Vnde do se dat  
alle vorsammelt weren / do geboth me en van stundt an thor  
Stadt vth to tènde / do tógen se alle henvh / yunc vñ oldt /  
welckerer eyne grote Summa was / dat sunt wente yn den  
drüdden dag / Welcker syne Frouwen / Dochter / vordégedin-  
gen edder vorborgen könde / de leth me wedder ynkamen / vñ  
do se vngesérlik vñ dage in der Stad weré gewest / leten se sitz  
höre se wolden by érer oldé Secten blinen / do sloech me wedd  
vmmie / dat alle Frouwen / de wedder yngelämen waren / scha-  
olden des morgens tho négen slegen / vp dem Domhoue syn /  
Dar wart en vp dat nyge gebaden / dat se gedeichten / dat se  
thorstundt vth dem Lande tóge / junc vñ oldt / vñ nene stan-  
de bleuen / dar sedé andern waren / Vand wol se darna huse  
edder herbergede / de scholde dermathen oek also gestraf-  
set werden / also weer he oek eyn vpiuersel edder Wedder-  
döper /

bōper / vnde wo yennych Lantzrecht weer / welcker der  
sūlen frowen eyne by sick hedde / de scholde se by Sūnen  
schyne van sick laten / edder he scholde ock am lyue gestraffet  
werden alse se ic.

Kort darna/wart an allen Berekdōren yn allen vmmes  
lyggenden Flecken vñ Stēden angeslagen / dat me van dem  
sūlen volcke/nenen scholde husen edder herbergēn/wo öuerst  
eyner der gestalt befunden wōrde / de scholde ock der mate ge-  
straft / vnd vor de sūlungen geholden werden . Also weet  
nemant / wor dat volck hengekamen ys / wōwol elſke spres-  
ken / se synt meerdeels yn Engelandt gekamen.

Item / na dem Johan van Leyden de Snyder / eyn  
Köninc der Dōpers tho Münster ic. Welcker van allen  
Wedderdōpern / eyn Köninc van nyen Hierusalem / vnde  
der gantzen Werldt genandt / Erslick na eroueringe der  
Stadt tho Münster gesangen / wōrden em vnde Knipper-  
döllinge synem gesellen treo ysern halßbende gesmēdet / op  
beyden syden mit langen stricken / de wōrden en op den drsids-  
den dagh / na ērer geuenckrysse vmmē īre hēlse geslaten/  
vnd wōrden also twysschen dem reysygen tige alſie de hūns-  
de / dree Mylewēges van Münster gefōert / yn eyn Stēdelen  
Eybergh genandt/vnd darnegeſt/ alſie de hūpe tho Münster  
opbrack / wōrden se gefōert yn eyn Slotb / Dulmen genant/  
ock dree Mylewēges van dar / dar do vēle Knechte yn dem  
aſſtage vorauer tōgen / Do wōrden de twees mit ēren halß-  
benden vor de Porten gesettet/ alſie de Köninc vnd Knipper-  
döllinc syn Lutenant/dat se de Knechte noch eyns seen möch-  
ten ic . Op dem sūlen Slotte / quam de Bisschop van  
Münster/erstmäls thom König vñ Knipperdöllinge/ vnd  
so balde de Bisschop den Köninc ansach/sprack he tho em/  
Ey du böſewycht/wo heſſtu my vnd myne armen lide vor-  
doren / Do antwordeſe em de König trotzlich / vñ dueſe  
yne F. G. vñ sprack / Pape/ ic hebbe dy nicht eyne myte  
vordor

vordoren / Icf hebbe dy eyne vaste Stadt geleuert / de vor  
alle gewalt ys/ hebbe icf dy den vordoren/ so wil icf dy wed-  
der rike maken/ so du my volgen wült. Do heſſt de Bisschop  
gefraget/ en watterleye gestalt he ēne ryke maken konde? Do  
heſſt he fürder thom Byſſchoppe geſecht / he wüſte wol dat  
he em eynen smichken dode andoen wōrde/ he scholde em vnd  
Knipperdöllinge synem gesellen/ eynen ysern kōrſſ laten ma-  
ken/ vñ scholde den mit ledē auerteen laten/ vñ vns besde dar  
yn ſetten laten / vñ vns beyde also dorch de lande rōren/ ro-  
vns begērt toſeende/de ſchal J. F. G. eynen Wytpeminc  
gēuen/ so wert J. F. G. meer geldes auerkamen/ alſe J. F.  
G. vorneyder heſſt vñ dat gantze ſtryft van Münster werdt  
ys ic . Also ys de Bisschop van dem König geſcheden/ Alſe  
de Bisschop sine F. G. de Stad Münster erouert hadde/ vñ nu  
geveldycklic yne heſſt / ock all dat volck der wedderdōpern  
van Fruwen Mans/ querth was / alkes erſtēken vñ vth den  
Lande vordrenen hadde/vnd also gantz vthgeradet/ ock ſick  
yne F. G. vñ de Knechte der Bütehaluen mit eynander vor  
enyget hadden/dat de büte halſſ dem Byſſchoppe/ vñ halſſ  
den Knechten tohören scholde/ Do hōuen ſe an tho büten/ vñ  
wart vmmegeslagen /dat neen Knecht ſo vēle by ſick beholden  
ſcholde/dat eyne haluen guldē werdt weer/wo eyner dar a-  
uer befundē wōrde/de ſcholde am liue vñ gode geſtraffet wera-  
den/ dar auer maleden ſe xxij. Bütemeysters/ vth ytlīkem ſēn  
lyn dree/ de dat gudt vorlōffen/ vñ tho gelde makeden/ Do-  
menden de Rüters ock büte tho hobbende/dat öuerſt de Knech-  
te yn nēnem wēge lyden wolden / darumme ſe eynen langen  
tryg vñ hader gehat hebbē ic . Do nu de Bütemeysters de  
büte delen ſcholden / vñ dar nicht ſo vēle geldes vorhanden  
was alſe de Knechte menden / do nēnen ſe de Bütemeysters  
alle geuencklick / vñ ſeldē ſe vor den gemeren man / vnd den  
Kinc/vñ leten ſe ſragen/wor all dat grote geldt vñ gudt ge-  
blēuen weer ic . Do öuerſt de Bütemeysters na der Knechte  
willen nicht bekennen wolden / do eſſcheden ſe den Hōdel vñ  
den Kinc/de toech ērer twe an der leddern yn dem ryng vñ

vnbarthertichlick vp/vnde vörderden se vor den gemenen  
m. n./do wolden se nicht bekennen/ vñ de tydt vortoch sick/  
wente auer den Middag/ do schuent de Ouersten vp/beth  
des anderen dages des morgens fro / do waren de Bütemey-  
sters al hen wech/ Do trat de Bödel yn den Rinc vñ sprack/  
Qdt weer èm van dem Fürsten vorbaden/ se wyder pynlick to  
fragen/dewyle he se gystern gefraget/ vñ nicht bekennet heds-  
den ic. Do schickeden se van ylcken Fénlyn/twe Knechte/  
vñ den Bödel mit tho dem König/ vñ leten en ock pynlick  
fragen/wat he van der Büte wüste/ vñ alse èn de Bödel tom-  
bründen male vpgetagen hadde/bekende he eyne Tünne Gol-  
des/ vñ ylck Goldt sampt ylcken Gülden ryngen/ dat ö-  
uerst alle nicht so vell wert was/ also de Knechte gerne gehas-  
heden ic.

In Summa/do wart de Büthe vthgedelet/ vñ eynem  
ylcken Knechte wördēn xvij. Embder Gülden gegeuen ic.  
Do sprakken de Büuetlude/se wüsten guden bescheyt/ alsobalz  
de se vor de Porten qwemen/wüsten se Geldt vñ eynen ande-  
ren Heren/dosülnest tōgen de Knechte thor Porten vth/so tey-  
ne/so troytich/vñ de astochdürde so lange/dat se wechrey-  
sedēn/beth vp vyff hundert Knechte na/de behelt de Bis-  
chop yn der Stadt/Welcker dem anderen schuldich was/  
gaff nemant dem anderen nicht.

Item/wol sick tho Münster hefft Döpen laten/vnd  
son gudt dem König auerantworde/ de des gelouens van  
allen güderen fr/y/de was vullenkamen yn èrem gelouen/dem  
hengede de König ein teken an synen hals/welcker teken  
van Kopper gemaket was/mit dren bockslaven D. W. S.  
vorreken/bedüden so vél/Dat Wordt wert flesch ic.

Item/Me hefft dem König van Münster vorges-  
dragen/eynen Königlichen Appel/mit eynem Gülden Crüs-  
ze/dar durch her gesiecken/we Swerde/dat hefft so vell bes-  
dūdet/

büdet/ also eyn König aller Werlt. Syne Varne was  
Blawe vnd Grön/ yn veer Varren vordeelt/den Appel mit  
twen Swerden durch gesiecken/vp der rechteren mounen/  
darmit he syne Dravanten sampt allem hoffgesynde getle-  
det hefft ic. Unde also dat gemene Volk tho Münster/  
yn dren Weken neynbrodt gehat hadde/heftme na erönes  
ryngeder Stadt/yn des Königes Haue gesunden/sö-  
ven vathe Wyns/vnd eyn vath Beers/eyn vath  
Sleesches/vnd eyn vath Meels. Se weren  
ock noch to Münster bynnen/vöfsteyn  
hundert Man starck/ ouerst also  
me de Stadt eröverde/weren  
se nicht auer Dusent  
Mansiark/Vnd  
synt yn  
Summa tho bey-  
den syden des Briges/  
by achte Dusent Man vmmie  
kamen/Godt vorlene vns allen/  
Frede vnde enycheyt/A M E Llo

¶. CCCCC. XXXV.

¶

Dic ys de grōe vnd de gestalt der Gulden  
vp beiden siden/ de de mye Kōning to Münster slān leeth/Dat stūc  
ke vp teyn Gulden/ vñ ys gud Goldt/vñ synt by den Propheten to  
Sosie vñ Warendorp gefunden/ de wörpen se van sick/do se ange  
grēpen worden / vnd worden alle gerichtet/kamen dem  
Kōninge nicht wedder.



Dich ys syn Segel.



Ein glaubwirdige ansay-  
gung des tods/ Herrn Tho-  
me Mor/ vnnnd anderer treffenlicher  
männer inn Engelland / ge-  
schehen im jar vñ. D. xxxv.



M. D. XXXVI.